



李卓閣詩集卷之六

七言長律

投李右轄十六韻



漢家三十六將軍誰似安東第一勳
練卒舊諳蛇鳥陣
斬關新殄虎狼羣
金城列鎮頻紆策
玉帳巡行竟解紛
笳鼓五更傳
六月旌旗千里捲
歸雲孫吳自古雖論武
賈鄧從今但講文
尊俎折衝兵愈奮
河山帶礪券還分
雖居鼎鼐崇儒士
解使兒童識相君
名動虎闕風蕭肅
恩流鳳沼水涵營
屯細柳連春色
山轉烏龍對夕曛
萬旅守邊嚴號令
三農在野樂耕耘
門延申白衣冠盛
座引鄒枚禮數勤
詩句賡歌情繾綣
香爐宴寢晝氤氳
不才曾辱封書召
多病空勞使者聞
滿擬布衣甘杞菊
豈期金屋到玄纁
路從薇省朝天上
舟過桐江泊水濱
知己感深無以報
謾憑長律頌清芬

直周美卷六

贈金中孚十二韻

在眼交遊總俊髦
多君才調獨風騷
蜀都巧織千機錦
巫峽雄翻二月濤
心入陰何詩窟遠
名登李杜將壇高
雖承紫詔終辭祿
若賦丹墀定奪袍
行李清秋逢縣署
杖藜薄莫過林皋
金盤屢出銀絲鱸
翠甕新開玉色醪
醉後脫巾猶舉爵
狂來秉燭更揮毫
孫陽頗解知天馬
歐冶偏能試寶刀
莫作後塵工語麗
要追前輩擬心勞
吟殘春草看衣綫
添取晨霜上鬢毛
百里去程山岌岌

雙溪歸興水滔滔元龍樓上憑斜月深夜懷人首重搔

景誠送楊文開歸金陵

金陵自古帝王居佳麗相傳畫莫如王氣不銷龍虎地
清光長射斗牛墟青瑣作客愁無那白髮還鄉樂有餘

聯轡總來金駟裏揮毫頻對玉蟾蜍難兄學問趨天祿
令弟才名動石渠共掃松楸經雨露同依桑梓送居諸

沙頭酒盡雙瓶後江上帆開一棹初李白詩成誰唱和
楊雄賦在自吹噓秋風此日看鴻雁春水明年憶鯉魚

石井峯前讀書處也應飛夢到茅廬
總對送孔自安教諭之孔林

草閣集卷六

濟河冰泮綠猶寒壁藏科斗今人識自注識言不識也經載麒麟

麟後代看入廟定聞周禮樂到鄉因會魯衣冠壇存琴
奏千年古墓拱楹連百畝寬贈友但憑詩句好離筵須

望酒杯乾去時春雨梨花白回日秋風桂子丹百尺樓
頭開宴處侯君重與罄交驩

送邵原性遊括蒼

二月東郊花已冥一番南浦草初青交遊舊雨如今雨
送別長亭更短亭席上新詩纔十韻沙頭清酒盡雙瓶

江湖豪氣青蛇劍沙水生涯白鶴經子美須期才可繼
景純兼羨術多靈庭幃已薄西山日雲霧難淹處士星

船入好溪銀作浪人登括嶺翠爲屏被鞍驥裏應辭策

出匣豪曹始發硯野老得歸雙短鬢異鄉相值兩浮萍
挑燈後夜思君切高枕陰何欲再聽

秋盡山行日未昏縈紆林壑隱乾坤徑深黃葉疑無路
岸轉清溪別有村盤谷縱幽何足羨輞川雖好未須論
過橋苔蘚生巖罅坐石藤蘿挂樹根老嫗蒸梨邀上客
阿翁剝棗引諸孫新茅蓋處雞鳴屋短杖敲時犬吠門
避地正須營草閣逢人何用問桃源不通姓字相賓主
願子情親作弟昆

華軒結構與雲連正在書臺紫翠邊金叵羅中邀皓月

草閣集卷六

玉欄千外問青天廣寒宮殿名虛得大地山河影浪傳
藥搗玄霜分若箇樹誇丹桂種何年蟾光此夜因誰缺
兔魄今宵卻又圓惆悵姮娥亦無語倒騎白鳳舞翩翻
七言絕句

冬日苦短不可說況迺朔風吹倒人鄰童折屐走相報

江上無數梅條新

獨木橋頭芳草池野人縛屋正臨溪日長課罷渾無事
自向花簷埽燕泥

湖隄曉行

宿雲如墨繞湖隄黃柳青蒲咫尺迷行到畫橋天忽醒
誰家茅屋一聲雞

冷泉亭觀猿

靈隱寺外冷泉亭蘿風吹日晝冥冥猿嘯一聲松子落
無數白雲生翠屏

秋晚遊西湖二絕句

八月西湖鏡裏天中流柔櫓下輕煙回頭指點青山好
有箇白鷗飛上船
秋夜西湖汎櫂過滿船星斗近天河鳴榔忽動清風起
一對鯉魚吹白波

臨上遊西林寺

草閣集卷六

四

湖上秋來雨氣深買舟容易到西林青山好處看不盡
白鳥雙穿柳陰

鑑湖舟中

鑑湖秋暮水如天宜與時人載酒船兩岸芙蓉紅未了
小樓絲管出嬋娟

越中燈夕一絕

清光多處是蓬萊金色芙蓉午夜開夾道傳呼避驄馬
繡衣御史看燈回

燈辭三首

萬點金蓮燭漸燒水晶簾影夜吹簫只知天上星辰近
不覺人間夜色遙

打遍涼州羯鼓聲牡丹花發最分明春宵苦短須沈醉
莫使金雞下五更

翠作鰲山繞四圍燈前行樂泥光輝也知今夜春如海
雪片如銀不敢飛

守歲有感而作

家人草草具盃盤爆竹聲中笑語驪衣上忽看慈母綫
淚痕如雨落更闌

煙林詩思圖

青絲絡頭白鼻駒林下春風踏落花最憶吟餘饒野興
澹煙斜照數歸鴉

美人引子圖

明妝麗服照青春疑是昭陽殿裏人銀甲彈箏猶未了

花前雙引玉麒麟

陳仲美山水

山中古樹色冥冥茅屋斜連薜荔青昨日雲深貪採藥
野猿偷誦太玄經

東坡風竹圖

戲拈雞距紫毫芒寫就風梢數節長從此玉堂雲霧裏
都將粉墨昧文章

畫馬二首

黃金如土築高臺郭隗纔登樂毅來若使當年輕駿骨
臨時焉有急難材

銀鬣獼膊氣偏驕應是房星降赤霄汗血沙場宜百戰
憑誰借與霍嫖姚

老樹檠霜圖

夜寒霜氣裂滄溟潭底老龍眠欲醒萬劫玉釵流不盡
化人來聽蕊珠經

淵明醉像

玉山積矣葛巾偏老僕扶持步不前莫道先生渾不醒
醉中猶記義熙年

題梅四首

西子湖頭春可憐落花如雪晚風顛不辭萬點飄香去
乞與珠宮作水仙

直閣集卷六

六

羅浮山下隔煙開香雪紛紛入夢來誰謂縞衣今寂寞
花光筆裏喚春回
歲暮江南十日雪犯寒開處只南枝揚州何遜苦憶汝
寥落人閒無好詩

斷橋流水月黃昏幾度相思對酒樽只作總宜船上看
槎枒玉樹挂金盆

畫鷹

金眸玉爪下雲端能使羣狙膽氣寒山木蕭蕭秋色老
英姿猶向畫圖看

徽廟翎毛

羽毛如錦太歲蕤花石東頭入畫時無限新聲聽未了

金風吹動萬年枝

江叟吹笛圖

長江浪險懶垂鉤
短笛西風且自由
兩岸蘆花如雪白
一聲吹動楚天秋

雙竹圖

湘江秋影水雲寬
筆底移來只兩竿
若挂高堂無六月
灑衣蒼雪不勝寒

清溪采菱圖

鑑湖水清越女白
日暮採菱歌正長
畫舫香風移不動
藕花深處看鴛鴦

洞賓小像

直閣集卷六

七

洞庭湖水碧如天
一劍凌秋興渺然
琪樹金蓮栽未了
人閒回首又千年

墨菊

山僧能剪硯池水
墨色模糊巧作稜
自是東籬栽不得
卻將秋影上溪藤

鉤勒竹爲王彥明題

金剪刀裁銀鳳尾
珊瑚鉤挂玉龍魂
夜深秋影和霜重
壓碎湘江月一痕

畫蘆雁飛鳴宿食

一行斜起雪成羣
嘹唳聲多遠更聞
夜冷蘆汀眠不得
啄殘千頃洞庭雲

紅梅

滿林紅雪影
粼粼夜靜和
春浸碧潭卻
憶騎驢二三月
杏花小雨看江南

百鴈圖

十月開帆揚子江
沙寒白鴈滿船窗
畫師貌得當年意
宿食飛鳴五十雙

畫魚二首

東風吹動綠蘋洲
中有神魚得自由
一躍玻璃三萬頃
不貪香餌上金鉤

自從家上無莊惠
此樂寥寥直到今
翠鬣錦鬚看似畫
一篙春水落花深

草閣集卷六

八

題唐以仁山水圖

莫怪柴門懶未關
屋頭無數好青山
暮年袖卻絲綸手
一箇漁舟盡日間

牽黃熊回山

野性由來不入羣
厯階穿竇恣紛紛
主人自有茅廬在
好去山中吠白雲

瓶中牡丹

古銅瓶中紅牡丹
宛如仙女醉乘鸞
嬌姿不貯黃金屋
卻向茅簷造次看

西湖竹枝歌五首

總宜船中載酒波
鴈兒舞罷近前歌
日斜莫拗青荷葉

心似藕絲頭緒多
菱角鉤衣爲出尖蓮心苦口卻回甜妾生不恨郎緣薄
自恨春波日夜添

芙蓉花面藕絲裳柳葉眉尖恨最長
眞道王孫金彈子
朝朝來打野鴛鴦

湖上春來郎未歸青青楊柳想郎衣
從郎走馬章臺路
切莫顛狂作絮飛
家住西湖湖岸頭
十三吹得樂宮愁
連環欲結同心事
只怕郎心如水流

春日雜興二首

鷓鴣春雨過東風
晴日桃花岸岸紅
行到小橋聞犬吠

草閣集卷六

九

人家都在柳陰中

桑葉纒絲多
纖纖蕨芽正肥
春筍甜茅屋人家好
風日老翁捫蝨傍積簷

草閣圖

雙松樹下半茅堂
萬竹叢西一野航
畫箇老翁頭似雪
坐開書卷對滄浪

畫梅

梅花三昧是花光
復有徐生遠擅場
遮莫高樓夜吹簫
玉奴自有返魂香

暮歸

山腰小路曲如蛇
薄暮疎疎雨潤沙
醉裏亦知秋色老

西風開遍木棉花

謝王彥璧惠墨

故人投分如膠漆許送家藏黑玉圭
客裏傾囊無以報
草堂絕句手親題

秋陰

莫道朝來滴雨無黑雲遮日已模糊
道傍聽得農夫說
天氣渾如八月烏

題胡伯奇蘭

澧浦春深長綠芽國香一種最堪誇
紛紛俗眼迷凡卉
只有君家識此花

初夏書懷一絕

草閣集卷六

十

柴扉無事晝長關四月書聲綠樹閒
借問當年誰似我
除非盤谷與匡山

梨花圖

梨花如雪弄春寒常記清明馬上看
今日賦詩勞想像
美人和夢倚闌干

題芷陽書齋

芷陽山中屋數椽樹陰將綠遶階前
客來敲戶不出應
看到馬蹏秋水篇

東童良仲聚遠庵絕句

蘭江書法妙無倫鐵筆兼逢遠上人
肯向魁山尋野老
不辭沽酒典衣頻

題扇圖

憶昨扁舟落鑑湖山莊隨處索菱租誰知三十年前事
今日秋風見畫圖

白雲親舍圖 并序

叔剛陳君以親命從師於外關時省作白雲圖
以懷之且求予詩作四絕句前二首明義方之
訓後二首著愛日之誠云

昔聞孟母三遷教今見此鄉陳大家馬鬣蓬科自長夜
流傳卻有白雲圖

萱草誰云兒女花侵陵雪色耐年華瞻雲莫作斑衣溼
好事辛勤到五車

草閣集卷六

十一

東書千里別慈顏看盡慈烏落照閒山下白雲雲下屋
倚門昨夜夢連環

遊子思親無奈何青山回首白雲多雖云學問瞻淇澳
終念劬勞廢蓼莪

題李後主畫竹

落筆還同鐵鉤鎖照眼何如金錯刀老可小坡應斂氣
一竿秋影拂滄濤

食菱白

西風吹雨飽秋菰卸卻青衣見玉膚客裏嘗新成一笑
不圖今日見西湖

徐孟璣送東陽酒

故人遠送東陽酒野客新開北海尊不用尋梅溪上路
春風吹句滿乾坤

題杜居安瘦馬圖

欲試原頭春草長老來筋力已堪傷嘶風復有飛騰志
願見當年田子方

題呂宗義扇面雲溪釣隱圖

蘇耽元是橘中仙一局殘棋不記年近日白雲溪上住
都將幽興付漁船

歲暮雪中東俞生仲深叔昭

歲暮棲遲老樹村紛紛急雪灑黃昏乘舟誰效山陰客
不是晴天不過門

車閣集卷六

十一

本棧制式本棧門

歲暮對雪空林結得梅心試看雪香乘此蕭蕭山劍峯

歲暮雪中東俞生仲深叔昭

歲暮對雪空林結得梅心

試地成吳錦一試寒暑不與平波日白雲飛生掛

眼出浩茫遠眼面垂寒險纒圖方老用字疑處或何

風其當乎田子方

心海眼隨春草長香來隨杖白藜歸瘦風對骨無飄欲

眼出浩茫遠眼面垂寒險纒圖方老用字疑處或何

李草閣詩集卷六終

春閣詩集卷六終各條開非無尊不用尋梅溪上路

題徐原文推蓬圖

憶昔西湖上路梅花雪後開無數總宜船子坐推蓬
偷眼看花索詩句在上不見瓊瑤痕在下不見梅苔根
橫梢半截露春色繁花爛漫如兒孫玉龍槎枒臥清曉
老幹新條抽未了崑岡玉碎春風來吹香撲鼻知多少
天上歸來十五年湖光寂寞莫真堪憐金樽檀板杳無跡
但見落日之漁船徐君寫梅又造化白璧黃金滿高價
昔日少年今白頭嘆息人間空見畫

梅山義塾秋丁

庭燎光寒宿雨過無眠數問夜如何鼓鐘既作聲音聞

卓爾集拾遺

一

冠佩初臨禮數多聖德何來同日月文章元不阻山河
小儒才劣叨司教相與從容託詠歌

留別陳世恭

數年膠漆方投分今日萍蓬又索居好客每令樽有酒
辭君非爲食無魚海棠亭暖春題句蒼荀林香夜讀書
兩地關心正相憶便風毋使問音疏

金華留別陳公明

十載從遊處雙溪送別時情深猶己子義重忝人師夜
雨窗前史春風筆下詩黑頭須努力期爾鳳皇池

題王竹齋墨梅

鼻觀幽香靜可參月明和影落空潭霓裳不動冰魂遠

恰似江妃睡正酣

陳世恭昆仲同遊龍泉庵賞海棠

三月江南好風日得意看花馬蹏疾頗憐西蜀之名花
爛漫嬌紅遶袖質麗臉猶嫌繁杏豔柔絲已學垂楊密
遊蜂迷處萬朵明歸鳥唳邊一枝出青霞時留仙客佩
絳雲夜照維摩室去年載酒常恨晚今歲題詩未開畢
道人所樂非一二弟子相隨成六七過眼誰羞花似霧
簪帽猶誇髮如漆日斜欲去還徘徊喚取佳人彈錦瑟
京城寄題陳世恭臥雲圖
好山多處翠成羣中有幽人臥白雲只隔紅塵一千里
幾回清夜獨思君

草閣集拾遺

二

阿刺吉酒歌戲東池莘仲

胡兒一飲輕千鍾力微難染桃花容年深始作漢酒法
一以當十味且濃王君親傳坎離鼎出甕鵝黃煮秋影
檀心味烈婆律同醉倒伯倫呼不醒清晨喜見雙玉瓶
中涵沆瀣光冷冷鷓鴣之杓鸚鵡盞坐使賓主皆忘形
我老多愁酒難敵故人未肯分餘醪座中甘作劉公榮
醒眼終朝看山碧

題陳世恭所藏山水圖歌

米公老手無人繼從此乾坤少清氣畫師落筆頗似之
素練曲折開秋意上有青山萬疊之嶙峋下有白雲千
頃之氤氳丹楓翠柏森左右年深乃成十抱文白石坡

頭野亭小一葉漁舟蕩清曉對岸想像忘機翁坐占蒼苔談未了我嘗四載客京華每見畫圖成嘆嗟垂老歸來愛幽獨欲借雲根半間屋

清風樓歌

君不見義烏門東頭上有百尺屹立之飛樓雕簷稜層象緯逼畫棟縹緲煙雲浮桓桓徐將軍志氣非常儔登城覽形勝構此壯觀東南州樓中班陪盡鷓鴣樓下隊列皆貔貅是時新雨餘六月如高秋炎埃一點飛不到但覺清風四座來颺颺將軍手揮白羽扇身著紫綺裘闌干十二倚霄漢無邊景物歸冥搜東觀覆釜山氣蒸紫翠暖欲流北望芙蓉峯錦繡五色攢空稠西有長

草閣集拾遺

影之飛檣鐵梁下鎮蒼精虬南有芳草連天之

春蒐揚雲旗凜霜矛禱太乙擒蚩尤

龍泉盡掣銅華綬陣前猛士力如虎一一

盡戴銀兜鍪將軍登樓長嘯破強敵自與文士相旋周清談動玉塵

銀鉤投壺矢鏘鏘雅歌韻悠悠庾

公清興思真堪俾我來登危梯撫掌落

日鷲沙鷗起蘋末詩句生滄洲將軍清

風解炎熱足以鼓羣動舒民憂清風之樓信千載清

風之名千載無時休

送王秀才歸天台歌

謫仙入月今幾年酒星飛上瑤臺天文光萬丈銷不盡

又遊蓬萊其妻之東邊王君王君醉鄉後放浪堪爲謫
仙友自言身後千載名何似生前一盃酒黃金杓白玉
盃勸君滿飲葡萄醅埽君頭上如霜之白髮燒君胸次
萬仞之崔嵬是時銀海花玉山積高歌起舞不知夜但
見綠蘿樹下嫋嫋涼風來清晨別我飄然去家住紅霞
最深處美人相倚桃花傍飯爨玉甌胡麻香左劉右阮
相頽頽故鄉之樂不可當我醉題詩借相別飛夢時時
度雙闕明年有意還復來與君洒埽松下月

貞德堂歌

貞德堂歌者汴人李暉爲永康徐君光大妻應
女而作也應女名惟貞自幼以端肅聞光大娶

直閣集拾遺

四

之光大儒者也明於易不幸蚤世其婦於恒卦
從一而終之義熟聞之故守節不嫁遺孤六人
貞率勤鞠育以恩及長勉之從師授業簪珥之飾
盡賣以供費今年已七十其子桂構擣堂以奉
甘旨之吾黨賢士大夫嘉其事且寓是銘又彰之以
述其德詩文是則然矣竊惟婦人無獨成之理其德必
本於夫夫者婦之綱也不詳其綱而舉其目非
善於辭者也夫有是夫必有是婦有是父必有
是子關雎麟趾悉本于文王乃詩人敦厚之意
故余法之觀者儻有取於此云

柏舟不作共姜死夏侯令女今則已古來貞德苦不多

落落晨星照經史請談應女生花溪自小端蕭聞深聞
徐君光大工學易應女束髮與之齊吁嗟年纔三十五
良人蚤沒心何苦偕老相違願莫伸安得與爾歸黃土
青年未得身就木空幃別淚吞聲哭有髻不插他人花
采柏南山動盈掬緝麻坐對寒燈悄縫衣行念諸孤小
巖霜淒淒雞戒曉鳴機夜織猶未了有子名桂字仲芳
絲衣獨立鴻雁行母也七十頭如霜願構貞德之高堂
貞德堂前棣花茂貞德堂上萱陰覆四時入節禮數勤
拜舞稱觴爲親壽吾黨作文并賦詩墨花滿紙何淋漓
不詳其綱但舉目到手聯篇徒爾爲小君名由鮑宣出
孟光願與梁鴻匹徐君觀象明成恒信有其妻解從一

直閣集拾遺

五

遂能教子勤詩書黃簾映雨秋堂虛嫁裝盡賣供束脯
任使筐篋無贏餘徐家一門瞻具美夫賢子孝誰得似
後人弗替能引之德風便自茲堂起族孫徐圭字孟璣
飽觀貞德之光輝邇來爲父雪讐恥聞者擊節清霜飛
秋風蕭蕭木葉落秋日晶晶行雲薄區區俗子不到門
自對青山倚高閣圭也著屐來相過入門磬折求我歌
我歌從來不易作與君交契奈爾何夜窗烏几蛟龍吼
落筆光芒動星斗要追洋洋風化首關雎麟趾同深厚
方今聖治求華勳觀風使者紛如雲此歌足以揚清芬
他日九重天子聞

鍾旭歌

老日無光霹靂死玉殿啾啾叫陰鬼赤腳行天踏龍尾
偷得紅蓮出秋水終南進士髮指冠綠袍角帶烏鞞寬
血口淋漓吞鬼肝銅聲剝剝秋風酸大鬼跳跟小鬼哭
豬龍飢嚙黃金屋怒氣至今猶未銷髯戟鬚髭怒雙目

黃公鍛磨吟

一聲唬鳥驚春破但道黃公能鍛磨問渠鍛就將何爲
麥熟村民免飢餓卽今麥缺愁難過

黃熊歌

我家有犬名黃熊不與尋常羣犬同信狺夜吠捍門戶
兼有捕鼠之奇功山房燈盡黑如漆黠鼠出入聲啾啾
分曹合類恣所經攬糞翻盆嚙書帙黃熊此時方按行

草間集拾遺

六

嗾之愈怒威盈盈奮前搏一百鼠散坐令傾洞成清平
蒙貴烏圓未須貴宋鵲韓盧莫誇技寄謝區區世上人
素餐尸位能無愧

不寐

臂痛愁難忍更長睡不成無由成蝶夢有限數雞聲況
值青陽逼應多白髮生五湖心尙在吟罷氣崢嶸

冰山行

玄冥之域窮陰鄉冰山屹立遙相望盤根下合厚地裂
上合旭日無精光雕瓊鏤玉千萬狀陰機煜煜孰敢當
冰蠶五色不補衮冰柱百尺撐明堂大峯小峯亦傍出
爭挾氣勢相軒昂公然列鎮衝要路或爲推裂烏臺綱

東方蒼龍爪欲墮南方赤烏口盡僵北方烏龜寒縮頸
於菟斂尾蹲西方獨操巨柄凜歎觸人仰視心彷徨
白水真人凝不流桂薪粒玉吁可傷九州封豕食人肉
旌旗徧野塵沙黃金城湯池盡瓦礫徃徃白骨堆秋霜
新魂蒼鬼相閒哭哭聲落日連穹蒼赤者爲狐黑者烏
北風其涼雨雪雩鳳皇高飛避矰繳梧桐不復生朝陽
天威憑憑上帝怒赫日回照天中央冰山傾刻付流水
百醜顯露那能藏乃知真龍合變化捲舒雷電功微茫
崔嵬巖岬今安在徒逞凶惡于天常崑崙自高太華峻
齊天作鎮垂無疆君不見萬崑崙山前春色裏紅雲紫霧
朝東皇

草閣集拾遺

七

章三益匡山行

戊戌後作

仙人休吹紫鸞笙聽我一曲匡山行
毒蓮居士讀書處至今石室丹霞明
龍泉西南百餘里四面崢嶸翠峯起
先生結菴當畫圖正與匡山景相似
屋前屋後皆種松坐看百尺蒼精龍
苔皮深含霜雪古鐵幹返走風雲從
一亭下浸蒼波冷縹緲煙雲成萬頃
中有神魚長比人翠鬢翻動玻璃影
一亭上與浮雲齊赤闌于外青天低
分明投壺笑玉女彷彿出海聞金雞
東南一亭隱林樾地位清高隔炎熱
人間赤日如火流疏簾琅玕自蒼雪
最其秀者環中亭周遭萬朵芙蓉青
朝來爽氣落我袂蘿風吹日天真
冥鶴怨猿驚歸未得繡衣今作青雲客

故山回首五情搖歸夢時時到寒碧自古山林鐘鼎同
先生況有前賢風少待功成拂衣去入門依舊山花紅
春山道中與唐仲暹輩分韻得暹字復得江字

暮春之初行樂時青衿濟濟亦追隨酒因愛客傳杯數
詩欲驚人得句遲溪柳綠垂將霧縉野花紅落倩風吹
閒中景物千金值休使徵賢使者知

杖藜三月青山路風景眞如濯錦江在樹晚來黃鳥對
隔溪飛去白鷗雙舊題僧寺詩連壁新釀田家酒滿缸
寄語朝端故人道歸歟已覺寸心降

題貞節堂

孔氏之家貞節堂大姑守志育賢郎貞如白石凌風雨

草閣集拾遺

八

節比蒼筠傲雪霜截鼻末須論令女髡髻應不讓其姜
明年二月尋巢燕爭忍雙飛入畫梁

唐仲暹送魚

唐生寄我雙魚美老婢揮刀割曉霜暹子不來秋夜永
坐看秋月引杯長

秋興

白髮殊方客青雲上國賓莫交輕薄子能侮老成人咄
咄書難盡蒼蒼理自陳尊中有美酒爛醉且謀身

田家苦

戊戌前作

日如火風如血崑崙碎黃河竭雨聲隔雲招不來高田
低田龜背踏老農裂車瘦如鬼黑不辨眉白見齒一寸

秋苗一寸心汗血願爲三尺水霜羅扇霧縠衣冰盤味
酣紅荔枝老農有膽誰嘗苦租吏敲門夜騎虎

韓信 詠史

藜食相過識者稀時因漂母念寒微設壇拜將功雖稱
躡足封王禍已機旣以解衣辭武涉如何挈手教陳豨
藏弓烹狗尋常事青史千秋有是非

秋風三疊題德鄰家所藏畫

江南七月秋風起吹動白雲千萬里洞庭木落波影寒
天外冥鴻飢欲死男兒生無所成良可歎出門荆棘行
路難酒酣拔劍爲起舞滿堂星斗光闌干嗚呼一壘兮
秋夜永碧梧爲我飄金井

草閣集拾遺

九

江南八月秋風高裂雲直上聲怒號小聲白晝走沙石
大聲入海翻鯨濤夜半吹折長松樹眾鳥巢傾無宿處
豺虎啖人如密甜何處桃源是歸路嗚呼二疊兮秋夜
深干戈滿地愁人心

江南九月秋風落殺氣如雲暗城郭濃霜淒淒日色薄
玉壘鼓寒聲不作綠章夜奏蘭臺宮問天乞借襄王雄
前驅蜚廉後豐隆一洗狐兔無留蹤嗚呼三疊兮秋夜
蕭變作南風五絃曲

夜望

階除螢火亂縱橫獨立虛無見紫清北斗三更昏夜色
南風五月變秋聲思歸不但如王粲慟哭眞應似賈生

天上銀河千尺水幾時能洗永休兵

上方巖喜雨

觸熱區區到上方疏簾小簟夢秋光片雲忽作千峯暗
一雨能爲五月涼從此洗兵無戰伐況今多稼免逃亡

天涯野客雖寥落吟罷新詩喜欲狂

庚子春三月夢與梁生建中回故居

戊戌後作

春宵苦夢短合眼在故鄉今宵復何爲歷歷所見詳天
風吹我巾明月照我裳手持綠玉筇矜佩同翱翔路從
北郭門徑指先塋傍五年缺洒埽青草如人長不忍遽
去之徘徊流涕滂迂行羊角埂載出甘泉坊河西與河
東人煙渺相望屋廬間新舊田園半榛荒故友四五人

章閣集拾遺

十

相逢訴衷腸翦韭烹枯魚欵坐陳酒觴喜極仍自疑兵
戈正紛攘人生無羽翮何以逾津梁嚙指驗所經恐爲
覆蕉隍雞鳴聲啾啾惆悵身在牀山川限吳越依舊天
一方輾轉久不寐鬱紆祇自傷披衣起待旦聊以成短

章

喜雨行

六月驕陽逞炎熱日日南風赤如血東田西田水絕流
土膏盡作龜兆裂今晨白帝行新秋乾坤早覺陰雲稠
翻江倒海龍用壯雨聲不斷寒颼颼甌窶窪邪盡生意
頃者萎黃復蒼翠野老迎人拜且呼農夫賒酒歡還醉
草閣道人無寸田也復起舞歌豐年年豐但願飽吃飯

底用枯腸五千卷

甲辰歲九月一日夜夢外舅天趣鄭先生問幽冥

之事但云海天月色秋茫茫覺而衍其語以寄

大華哀情

外舅實天邁神采冰玉相明經擢巍科氣劇賈董場驂

騮自超詣鸞鳳必高翔轍環湖海間著述成數囊弟子

滿京國所至留餘芳暉也檇櫟材謬選膺東牀提撕感

恩厚取別亦已長今夕復何夕漏永猶未央分明入我

夢言笑如平常載拜問所從面誨辭慨懷海天既無際

月色秋茫茫魂來波浪白魂去雪山蒼音容遽相失輾

轉何由忘天地一罍羸死生等行藏遊魂乃其變浩蕩

隨飛揚飛揚本無迹暫寓無何鄉情深自難已攬衣涕

泗滂

答自便叟薄酒篇倣東坡體

薄薄酒味可求醜醜婦願可酬薄酒有妙理醜婦無嬌

羞酒薄亦足澆我愁醜婦可以與之俱白頭平原督郵

勝青州黑崑崙曾配冕旒嘗言旨酒亡國哲婦傾城二

者豈足爲身謀醴泉如澗糟作丘銀齋翠杓黃金舟焚

酎大肚飲一石不能爲君銷國憂何如田父共泥飲醉

後倒騎原上牛春山作曲眉秋水爲明眸朝爲行雲暮

爲雨一身主家十二樓是爲喪身之膏肓伐性之仇讎

何如荆釵布裙操井臼深能方舟淺能游笑彼紛紛寇

沐猴眼前富貴何異水上之浮漚
小年難語大年噫帖
不知春秋吾儕薄酒任薄醉
卽休醜婦任醜順卽休

題南山獻壽圖

將軍落筆怪且雄
能畫峩峩律萬仞之奇峯
模糊猶含太古色
慘澹頗帶清秋容
儼如蓬萊三山翠
且重又如廬山削出金芙蓉
千盤萬轉不可測
恍惚雲氣隨飛龍
下有灑澗之流泉
上有偃蹇之長松
松根羽人顏色好
抱膝盤陀事幽討
云是南極天邊之壽星
遨遊先天後天
老被以青霞
裘蔭以白羽
葆遊綠沼沈滄波
鹿放蒼崖食瑤草
有鶴有鶴飛且鳴
雪衣丹頂隨風輕
兩鶴飄然入紫清
一鶴獨立和以簫韶
聲手招雙青童
載

草閣集拾遺

十二

以白玉笙上朝
三十六帝京
五雲仙樂來相迎
玉女投壺其聲錚錚
白兔擣藥使人長生
胡君欣得之喜氣何盈盈
是時七月天氣涼
君來飲我黃金觥
酒酣載拜求我歌
須臾落筆雷霆轟
五岳爲之動
三江爲之傾
此圖足爲仁者壽
題以南山獻壽之佳名
胡君胡君宜愛惜
我歌歌罷千金直
挂向高堂雪色壁
夜夜虹光射天赤
妖兵七月犯錢唐
百萬吾民總可傷
白璧黃金隨虎豹
青娥紅頰伴豺狼
交遊半是泉臺客
城郭今爲瓦礫場
休向吳山高處望
眼前骸骨白如霜

哀錢唐

登城一首

戊戌前作

春來懶上最高城一望令人百感生山岳無如今日碎
河流不似舊時清青年士子多投筆白首鄉民屢避兵
休向東風歌此曲野花颯鳥亦傷情

懷楊廉夫

暨陽先生天下奇雄文險句鬪蛟螭侏儒紛紛飽欲死
草玄亭上鬢如絲

懷汪以敬

白雲菴中雲滿窗日日論文空酒缸絕塵天驥能敵萬
照水山雞不作雙

懷智雪舟

西馬陸西智上人平生老句不無神少陵已許師前輩

草閣集拾遺

十三

無不 甘作後塵

懷鄭本初

越王城中汎棹歌紫菱白藕興偏多別後風塵不相見
五年江海失陰何

懷魏德剛

東青門頭有惠連五載不見夢相牽得歸茅屋對秋雨
與子細說遠遊篇

冬夜

冬夜恰似夏日長懊惱無睡難禁當走尋梅花作詩伴
放取明月照空牀

中秋同唐仲暹玩月二絕句

故人乘興夜相過正爲中秋月色多
綠酒傾來拌著醉
要題詩句贈嫦娥

八月十五是中秋月色娟娟似水流
卻憶湖州船子唱
幾人歡樂幾人愁

題仲暹南塘圖

西風古樹挂寒藤遠近諸峯翠且層
卻憶賀家湖上路
一灣暗綠拗漁罾

題畫二絕句

紫翠縈紆千萬重僧歸日午始聞鐘
若非越上雲門寺
定是廬山五老峯

老翁居處不勝幽無數青山在屋頭
客至便分雲半席

草閣集拾遺

十四

坐看落日大江流

戲題淵明圖

詩滿霞牋酒滿瓢黃花香裏興飄飄
如今仕宦皆因米
誰似先生嬾折腰

訪戴

雪月流光照客衣雪風吹浪打船扉
故人溪上茅茨遠
乘興何如興盡歸

日鑄墜壁嶺

兩嶺相望四十里十五年前曾此遊
野花依舊自春色
行路幾人成白頭

過渡

三十六渡春水深蒲萄綠漲愁人心行人且休脫布袴
桃樹上頭雙鳥鳴

泊練祈塘

枕上春寒酒未醒小舟還此泊蘆汀雨聲欲趁夜船到
一夜東風吹塔鈴

題畫梅

紅梅信是丈人行老幹能開白玉花笑殺天台桃幾樹
不分清俗要相誇

山水畫扇

溪上寒雲落日虛青山繞屋樹扶疏抱琴高士紛紛出

從此林泉少隱居

草閣集拾遺

十五

煮豆酌白酒歌

戊戌前作

煮豆酌白酒豆肥酒氣溫相對二三子其樂難具論君
不見曉來雨過東家村叢叢豆莢生籬根阿翁提籃洗
雙足採摘採摘呼諸孫歸來笑指老瓦盆酒波猶帶新
糟渾田家酒具如窪尊一椀入口春無痕兩椀三椀鯨
濤奔四椀五椀和江吞須臾飲至百十椀眼花耳熱低
乾坤憶昨豺虎如雲屯旌旗滿目煙塵昏殺人如麻血
成海十室九家無一存大臣自合死社稷况叨厚祿承
君恩近聞省府日筵宴椎牛宰馬齊崑崙吾徒布衣在
草野憂心惻惻懷至尊嗚呼蕭艾滿城邑馨香不數蘭
與蓀呼童煮豆復進酒呼兒爲我闢柴門

正月辭

雪消樓瓦鴛鴦暖
太液池香翠波滿
春愁如織鶯未知
新 鵝黃柳絲短
美人纖手畫雙蛾
繡簾捲得春風多
春風開紅又辭紫
卻怕青年逐流水

二月辭

玉爲鞍龍爲馬
遊陽春錦城下水晶盤
中鳳皇炙蒲萄
綠酒銀壺瀉萬草
千花舞繡衣
笑殺提籃採桑者

三月辭

東園雨紅花亂飛
繡簾半捲燕雙歸
并州剪刀快如水
茜羅新樣裁春衣
十二巫山盡神女
屏風照見芳心苦
宮辭裁罷酒微醺
自向金籠教鸚鵡

四月辭

草閣集拾遺

十六

落花長門草青處
十二闌干撲飛絮
象牀玉手印頰紅
隔夢一聲嗁綠樹
笑將金彈打流鶯
誰遣芳菲被春誤
鳳釵不整雙鬢霧
爽風新扇題紈素

五月辭

石榴花開紅染鬢
綠羅袖捲芭蕉紋
睡回金獸沈煙熏
玉笙吹下雲中君
果壓冰盤水晶碎
蔗漿似酒甜難醉
猶嫌命薄蜻蜓翅
不及桑鳩動成對

六月辭

銀塘花發紅雲滿
南風吹香徧宮館
舞衣上繡雙鴛鴦
綠珠小娘捧冰枕
簟紋細織湘波寒
碧紗如煙作帳寬

水晶簾垂體生粟不識人間有三伏

七月辭

南方赤帝騎龍尾耿耿夜渡銀河水霧溼火雲飛不起
碧色凝天薄如紙鳳管參差裁短玉別夢熒熒冷秋燭
金井闌西一葉風吹盡湘妃鬢邊綠

八月辭

鯉魚吹長風曲池芙蓉老白天墜涼露溼螢滿衰草蘭
房燈燼青獨宿知秋早碧波弄明月自惜顏色好起按
鴛鴦絃酸聲攪懷抱

九月辭

畫欄十二憑西風芙蓉照波霜影紅微寒夜侵紫半臂

直閣集拾遺

十七

寶帳流蘇篆煙細月明天上來牟車千門竹葉生鹽花
挑燈自看班姬傳甘作團團秋後扇

十月辭

美人坐處生陽春芙蓉牡丹聯繡裯沈香火暖然烏銀
暖光吼出紅麒麟膽瓶滿貯波寒綠小插疏梅半梢玉
蓮葉漏沈猶未眠翠被薰煙惹蘭馥

十一月辭

別館瑤雲曙光冷飛霜落盡宮槐影何人吹動玉參差
春透香幃夢初醒龜甲屏風圍象牀吳綾越羅堆滿箱
拈鍼欲繡雙鴛鴦又恐新愁隨綫長

十二月辭

弁刀碎翦銀潢水散作飛花半空裏清晨貧女方拾蕪
寒裂肌膚愁欲死翠衾宿酒人未醒蔗漿調雪消餘醒
卻呼小玉開瓊戶石闌干畔妝鹽虎

閏月辭

望舒推輪出蟾闕三歲清光多一月露溼瓊樓秋氣寒
鏡裏嫦娥生白髮桂高十丈香風暖愁來退作黃楊短
樹瓦何如人最多熒熒別淚成銀河

愁

戊戌前作

烽火連天黑旌旗照地紅秋風破茅屋愁殺杜陵翁

小畫

雨林含清風羣峯翠如洗野猿嘯一聲白雲在秋水

草閣集拾遺

六

學圃齋雜詠五首

浙浙風生砌沄沄水滿塘藕根穿土闊菱葉過人長
野竹編籬細山泉灌圃渾碧瓜方布子紫芋更添孫
朽壤蟲偏蝕枯藜蟻列行薑生黃菌蠹茄熟紫膨脗
枉渚雨晴後慢坡風暖初雞頭收芡實魚子剝櫻櫚
對客蒸藜爛呼兒翦韭頻何如鄭公儉不讓庾郎貧

晚間雨聲至有作

雨聲來處冷蕭蕭萬木無風亦動搖恰似西泠船在泊
坐聽八月浙江湖

越中燈夕

浙西骸骨白如銀日暮江東起戰塵獨有此城三五夜

風光渾似太平民

鷗夢

雪羽眠來近釣舟
幾番魂逐海翁遊
夜深遮莫風吹醒
依舊江湖萬頃秋

逃難

四郊日多壘勞生
信乾坤朝來有警急
鐵騎如雲屯賤子
心寔憂焉能守荒村
呼兒戒行李一飯同
出門路逢逃難人
紛紛亦來奔或扶翁
與娘或挈子與孫
十步九顛躓欲哭聲復
吞聞道徃方巖前後
相廝暄牛羊亦隨
逐飛橋爲之翻我行
已巖頂我僕猶巖根
唇乾吻亦燥何處濁
酒尊茲巖旣云險
況有靈祠存樓遲且
茅屋生

荳園集拾遺

一九

理安得論俯視西北隅
殺氣猶昏昏

今日無酒

今日無酒何以寫心
兒迎我言囊有餘金
願言沽之展席長林
壺觴旣行其樂駸駸
積然就醉載歌載吟
撥彼黃花絃我素琴
陶潛旣遠孰爲知音
忽忽歲月茫茫古今
乾坤遽廬江海蹠
知道者希勞勞匪任
木鷺竹鵲般翟機
深忘羊之生實予所
歛

次韻李斯文及與于蔣仲啟劉九德會於楊仲章

家

溪上留連景物春
天涯牢落宦遊人
金樽綠酒那辭醉
朱綬銀魚懶挂身
楊子法言應有法
孝侯佳句不無神

相逢況是桃源侶此去同爲竹徑鄰

和章仲弘梅花燈詩

玉奴擎燭座添春索笑題詩覺有神冰樹生花何太喜
銀槎犯斗宛如真香涵和靖祠前月光射羅浮夢裏人
誰羨繁華五侯宅金蓮開徧輒紅塵

梅花

到處梅花照眼新縱橫變態似儀秦冰霜節操元非俗
鐵石心腸亦可親縱使六花多一出也先百卉幾分春
海棠雖美終難侶誰使明皇比太真

胡生寫真歌

戊戌後作

天下幾人能寫真胡生年妙藝絕倫自云慣識卿與相

草閣集拾遺

三

炳炳生面圖麒麟青鞵布韞春雨餘竭來訪我南湖濱
手中銀管握造化與子拂拭霜藤新我生本有山水癖
形容瀟洒無纖塵頭戴小小烏角巾白衣寬博穩稱身
松齋菜几坐清晝意匠經營多苦辛是時賓客如堵牆
眼看胡生下筆親斯須置我雪色壁望之宛若神仙人
我兒見之亦大笑阿爺胡爲能出神或言士者國之寶
衮袞皆充觀國賓先生才學世所重曷不秉笏朝丹宸
我生出處無不可白鵬萬里誰能馴不作甯戚悲飯牛
不作買臣行負薪今年年纔四十六居然抱道安吾貧
得君能談帝王畧避世或與漁樵鄰南遊天台北恆岳
東登日觀西崑崙乾坤隨處著杖履此地相逢難具陳

山中亦有似拳巖江上亦有如絲蕁江風蕭蕭日月白
與爾長歌歌隱淪胡生胡生且停手玉壺共醉松花春
春寫真何如嗜經史五車力學須昏晨他年生爲席上
珍勿云江漢之垂綸

黃楊冠歌酬洪子宜見惠

有樹有樹名黃楊膏沐雨露何蒼蒼平生雖遭厄閭苦
年深乃復知材良其材中冠冕其質如圭璋奴桑隸柘
超眾木居然正色含中央紫鑛之刀截鵝肪紛紛金屑
隨風揚中剗外雕奪天巧意匠經營鄒魯鄉斯須一笑
出古制晶瑩滑澤見未嘗蒼蠅側足不敢立彈來照手
蠟色光進賢惠文空自貴鹿皮椰子安可方洪君得之

草閣集拾遺

三

遠遺我束我頭上半白之秋霜小冠子夏俱二寸俗樣
岌岌徒軒昂有時醉後或嬾著挂在清溪石上萬古之
松傍洪君求我歌歌罷喜欲狂烏紗小巾宛相稱丹崖
翠壑同徜徉

冬夜會合聯句

與池裊文仲聯

別懷固云遠會面安可數幸茲冬來睽際此陰盡剝

陽枝碩果抽池火井寒煙玄雲鬱崢嶸李清湍凝滯

溜跳鱗集罟煎池歸鳥多巢啄窗梅桺冰繭李簷管激

風葯縮螿歌女暗池覆甌飛奴戲形輝斂鳥翅李白杓

起龍角晷短晝當惜池更長宵可樂榻風挾颺颺李箒

燈閃微藐門闕蟬逗光池筆駛免騰握餘酣漱苦苳李

晚簷飲香爇，釘盤梨樞具。池下筇肴蔬馭，薪爐紅麒麟。

李衣聚采鸞，鴛煇煇銅釵溼。池漱漱甕鬯濁，再酌再甌。

陶李一詠一超卓，鬢髮寒竚立。池煇旆顏丹溼，胸吞九

雲夢。李氣高幾衡嶽，吟波思淼漭。池行徑蹤拳確，詣險

刮鬼窟。李搜奇捉妖撲，曹劉顛且僵。池陰何仆而踔，乾

憂故鏗鏗。李洗刷增鬻鬻，憶昨赴徵書。池司年抱經學

星言戒迢遞。李雨卧慙醒醜，忽爾展京遊。池居然擬朝

擢，才堪百鍊金。李價重三獻璞，予甘返牛衣。池我忝居

虎幄，出處調旣殊。李別離手頻搦，歸山歎孤陋。池阻壤

懷磨琢，賜還主恩重。李叙舊交情慙，促席語欵欵。池舉

家欣嗃嗃，雞黍盟不渝。李晷羹禮尤朴，今知昔乃非。池

草閣集拾遺

三

動達靜方覺，羅縷極道妙。李縱橫踰獵較，意行懼已填

池旬偶巧，非斲連衾願遲曙。李分袂成孤懾，耳空警噓

噓。池心迴來呖坼，肩輿兀殘夢。李手杖橫短獨，良晤闌

前期。池塵襟藉深濯，重來覓筠泉。又見更裳朔。李

星言王子約，雙鉤竹歌。

王君金華人，畫竹誇當代。此竹乃是鉤勒之所爲，坐土

千人萬人愛，令祖藍田王。右丞盛唐詩格稱其能，韻詩

變竹寄餘趣，傳與衣冠不乏千載之雲。仍王君爲人清

拔俗興來，踏遍箕管谷籠籊。桃枝紛入眼，節籊色篔簹。

經目往年曾見吳門道士張溪雲，歸晚軒中事幽獨。有

時不作山水圖，戲拈銀毫畫此竹。王君筆法乃過之翠

篠雙鉤出林麓耳根但覺風泠泠比似張生但神速王
君寫竹能寫形真成標格非冥冥翛然獨立太素始脫
畧粉墨辭丹青或如金錯刀或如鐵鉤鎖或如折戟沈
吳沙或如碎壁逃秦火或如銀幡寶勝之飄颻或若金
節羽衣之婀娜或如滄江風曳之水衣或如黃河半解
不解之冰斷或如白鳳尾或若蒼龍撩錢刀翦碎波心
月丹汞煉就爐中雪初疑荆軻圖窮見匕首又驚毛遂
穎脫呈錐末天機逞其妙形狀何駢闐後生學子競觀
看但悟書法如誠懸唐時亦有蕭協律所至清風起蕭
瑟眼昏手顫藝轉工一十五莖稱絕筆宋時亦有文湖
州畫竹人推第一流能令萬籟起崖谷出牆之梢爲最

草閣集拾遺

三

優東坡作竹短而積別試瑰奇在林僻玉堂多暇圖一
枝復有小坡能畫石前元作者李仲賓琅玕卓立無纖
塵薊丘家世不易得父子相傳俱絕倫吳興學士趙公
子飛白之石誰能比水晶宮中春日長移得藍枝落窗
几後來又有柯丹巨大葉長梢動冕旒天顏有喜頻賜
予晚節衰颯江湖秋諸公畫竹工畫影隔簾彷彿瀟湘
景風景虛無終渺茫野迴漠漠煙光暝鉤勒寫形纔逼
真宛如高閣圖麒麟褒公鄂公毛髮動儼然生面開功
臣我欲題詩寄淇澳瞻彼漣漪散晴綠祇爲猗猗興不
忘有斐君子勞心曲我欲鼓柁遊瀟湘碧雲萬頃浮天
光美人娟娟隔秋水欲來不來空斷腸我欲從獵誇雲

夢萬騎紛紜翠蕤送胷中八九吞不辭文章裏比相如
重我欲富如千戶侯家居渭川之上游玉版鄰人許同
喫始知熊掌非珍羞我欲乘風發清嘯扁舟直過湘妃
廟中流鼓瑟聲鏗鏘和取湖南竹枝調何如曩昔行李
遊京都故人爲我共作翠竹紅梅圖原父寫梅君畫竹
價重已壓青珊瑚挂在成均之左廡交游軒冕觀如堵
須臾盡作王子猷六月清風生肺腑天上歸來十二年
柴扉草閣荒山田浮花浪蕊紛過眼此君風節還依然
王君王君聽我語我歌長歌君起舞舞郛筒沽酒滿眼酌
與君歌盡幽篁譜或裁長竿橫斗高下拂東海之波濤
巨絲一鈞連六鼇任公見之顏色勞或招歲蕤鳳皇宿

草閣集拾遺

五

陰陽各應雌雄六佾倫製律工有餘一聲吹裂崑崙玉
或作仙人手中杖此日攜來葛屐上見水猶能化作龍
錚然飛入桃花浪或充奉使手中節旄落盡竿難折
臥起操持十九年誰爲虛心卻如鐵鄉來陳者皆此君
與人一生成異動殺青汗簡更殊絕科斗篆籀皆人文
此君由來才不器用舍行藏隨所致願得歲寒同此心
故託霜臺寫君意花溪水接雙溪長與君百里遙相望
不如坐君西郊之草堂胷中一吐千畝強欽坑舊硯楮
而蒼鵝溪素練雪色光風晴老嫩任君寫無使古人專
擅場

夜短苦日長齋居避煩暑青山在屋上流水在堂下好
鳥依高枝潛魚集深渚以茲悟天性至樂乃其所悠然
對書帙發軔自太古素心契羲軒餘事及鄒魯所以賢
達人白首不出戶
侵晨事園圃白髮猶未梳引泉灌菘韭趁此春雨餘崧
孫年七齡不識詩與書但能助採摘來往供勤渠阿翁
慣蔬食自謂五鼎如所以甘短褐不願乘高車汝身如
翁長與翁同荷鋤

題耕牧圖

春田雨餘春水綠烏犍背立雙鸛鶴有叟有叟相追逐
手把鋤犁繞江曲初疑龐公之隴又似子真之谷子孫
全家骨肉聚身世百年生計足噫彼利祿不入于心兮
所以無榮亦無辱

直閣集拾遺

三五

應用中稅副攝麻城縣擒賊有功爲賦長律十韻

麻姑城在萬山陰念爾爲官亦苦心百里花封勞暫攝
六安草寇擬相侵風寒豺虎嗥青嶂月黑鷓鴣聚綠林
纔閃旌旗誰與抗不鳴鐘鼓遂成擒司征乃解陳俘誠
乘遽爭誇獻捷音虎拜凝瞻雙闕近龍顏喜動九重深
大官奉旨來珍膳內史傳恩出賜金香染錦衣歸里閭
詩題采筆動朝簪魯連功就宜辭賞莊舄榮來且自吟
我老門生能報國百壺沽酒樂難任

蒼巖畫龍贊

目如電氣如虹怒翻霹靂駕倒捲天河空伊誰之筆蒼
巖翁起作霖雨其猶龍

題魚圖

江颺颯起聲蓬蓬白浪晝翻河伯宮羣魚出沒玻璃中
揚鬣掉尾各有容大魚雪沫噓晴空小魚戢戢如蠶叢
中有一魚健且雄丹砂作尾雙眼紅揮霍咫尺風雲從
近前驚倒濠梁翁回頭爾輩皆凡庸變化已作龍門龍

題陳國光拙齋

濂溪先生作拙賦草閣道人作拙詩已無巧語爲君贈
謾對幽齋勞我思犧牲文繡鼎俎用樛材擁腫斤斧遺
濁醪粗飯且安分高車駟馬將何之

草閣集拾遺

三

次韻義門鄭仲辨所寄梅花詩

山礬水仙兄弟行只有梅花獨清放去年擬作西山遊
苦爲耽詩抱微恙今年拄杖敲巖肩恍如羅浮夢初醒
幽姿臨風粉蝶妬長梢落雪青鸞驚西湖別來花幾度
和靖祠前不知數月出未出天昏黃悄如坐我孤山路
卻憶斷橋流水東衝寒臘酒盛郵筒只今想像風塵際
縞帟練悅情無窮西山主人亦邂逅妙選東牀開苑囿
冰清玉潤兩無塵起舞花前爲君壽江南一枝春信通
分明白絹來斜封珍辭麗筆光炯炯疎枝冷蕊春重重
夜來積雪三尺厚繞樹高歌連星斗詩懷笑我清如花
歸興爲誰濃似酒漫山桃李生春愁孤芳狼籍無人收

安得揚州見何遜爲花一洗千年羞

長歌贈月巖

戊戌後作倣太白體

我聞蓬萊山乃在碧海之東邊金銀樓臺耀日月丹崖
翠壑往往相鉤連中有神仙人長年不知老云是當時
鄭子真歸耕得仙道牽牛飲銀河披煙種瑤草瑤草一
碧三千秋飄然汗漫人間遊乘風倒著綠綺裘吹笙鶴
背追浮丘追浮丘紫雲中吳昊雙瞳方顏色桃花紅手
揮銀管談造化六十甲子羅心胸東看日觀金烏赤西
上峨眉雪山白王侯見之倒屣迎平生慣識青雲客我
是謫仙之後人閒來垂釣花溪濱時危落落不得意空
有詩篇驚鬼神鄭君從何來談笑情相親坐爾松下石
挂爾頭上巾古來賢達隱耕釣與君且醉松花春彈我
龍門七尺之綠桐薦我金盤雙尾之紫鱗酒酣拂袖爲
起舞眼底功名君莫語自許吾身有仙骨富貴浮雲何
足數鄭君去兮何時還飛鴻冥冥不可攀送君大道秋
風閒更呼深酒澆君顏

喜雨歌

酌爾清酒揚吾浩歌對此好雨不樂云何九州連日愁
羲和六龍之駕成蹉跎羣鳥振翅如金鶴啞啞飛啄扶
桑柯口漬紅光沸銀河尾梢黃壤焦青禾噉噉赤子汗
流血欲上訴青天奈此九關虎豹高嗟哉高嗟峨岷難
訴無辜顛天上帝怒上帝怒騰天威誅早魃鞭雲師長

風飄飄載雲旗雲爲車風爲馬官曹列如麻紛紛自天
下玄衣使者面如赭手把天瓢爲傾瀉神功倏忽起混
茫徧澤地絡周天綱豐隆碎禱擊天鼓靈妃翕歛開電
光吹沙走石驚颯颯翻江倒海聲浪浪恍如雪湍飛流
噴呂梁又如瀑布倒挂廬山五老之峯傍跳珠濺玉猶
未歇高臺六月生秋涼心搖目斷何所見但見千頃萬
頃青青秧白雲生歌未已酒酣拂袖爲誰起上朝紫皇
虛無裏披肝瀝膽叩丹陛昔聞羿射九日死大禹殺湍
湮洪水重瞳乘龍竟不還使我悵望彫朱顏願天開聰
明鑿予誠三十六帝流恩榮天上迢迢白玉京玉兔搗
藥使民長生泰階六符如砥之平甘露零朱草生聖人

草閣集拾遺

三

出黃河清五日一風十日雨千秋萬歲垂鴻名

古風三首

秦坑灰未寒紛紛逐其鹿胡爲隆準公高大更疾足信
越爲干櫓良平迺心腹誅嬴旣滅項浩歌大風曲鳥盡
良弓藏免死走狗戮偉哉赤松遊所志非辟穀
陳編撫遺事尙憂鴟夷翁摧吳破強敵霸粵成奇功功
成宜受賞輝赫凌煙虹烏喙不可共翩然駕孤蓬三江
水茫茫流譽誠無窮云胡載尤物竟與巫臣同
自從永元來閩監專天威桓靈遂其惡炎祚日已微三
君就姦刃八俊幽園扉秦蟠僅保身慙慙皆危機賢哲
旣云亡邦國將焉依瞻烏止誰屋識者涕淚揮

喜錢唐歸附因思先寵

邊城昨夜羽書飛傳道臨安亦已歸魚鼈不驚隨土納
貔貅無敵見天威吳山東向晴雲起浙水西流落日微
欲埽松楸歸未得詩成喜極淚霑衣

落牙行

昔年左車第一牙居然脫落誠堪嗟今年又一齒欲落
未落如秋瓜又如洪河流汎此無根槎清晨孰噉忽在
地兩鬢開豁何餘飭其餘未落者滿口皆齷齪乾肉不
敢決所虞飯有山田沙人生如此老醜露尙敢搖唇鼓
舌爭諠譁太官之羊旣無分屠門大嚼從人誇但可朝
餐地爐所煨之紫芋暮飲瓦甕所釀之松花我不願范
睢摺齒作秦相我不願張蒼食乳如魚喙願如昌黎口
存十三齒文章千古傳英華

草閣集拾遺

五

朱留耕聞雲山隱圖

青山在屋上白雲在山椒中有一羽人如鶴不可招手
揮綠綺琴和以白玉簫山風落松花清興何飄飄塵居
隔滄海思君五情遙願言從之遊飛佩以逍遙

題聽雨詩卷

青草池邊夢未成紫荆花下興還清一家兄弟如聯璧
愛聽西窗夜雨聲

梅花十絕句

南岸北岸花正開欲盡不盡暗香來相將頭白被春惱

一日繞樹百千迴
歲暮不歸衣滿塵梅花正爾欺得人欲憑詩句索花笑
開囊恰有羅浮春
學士港邊移棹過手樹萬樹得春多人生對酒須縱飲
奈此綺衣風韻何

寒花照衣冬雪晴半含半折可憐生西馬塍西對茅屋
竹間一樹最分明
不是愛梅頻賦詩出塵標格少人知來蜂去蝶應無數
偷眼幽禽卻爲誰

聞道朝來開滿林孤山無復見幽心卽將雪色如雙鬢
拄杖衝寒細細吟

車閣集拾遺

三

孤山山南湖水西花蕊箇箇壓枝低別來江海若憐汝
那得春風生杖藜

寒月欲出照昏黃疏花密花枝盡香東鄰臘酒味堪飲
無錢賒取答春光

忍凍騎驢早得春尋香索句不無神直將風格枝花老
肯與林逋作後塵

覽鏡圖傲長吉體

天孫不織紅霞綺雪秧臨風吹欲起嬌囊笑展水晶墮
照見芳姿淨如洗銀刀細剪梨花雲瑤枝倒影瑤池水
蛾眉翠斂春山濃愁多惱得腰肢慵夜冷孤樓素鸞影
廣寒宮闕秋重重青女笑霜刮天溼只愁彫損嫦娥容

畫欄桂樹香風早對面團圓思月老願憑青鳥報夫君
失時不嫁能長好

雙麗圖

玉闌圍著看花王銀燭燒來照海棠如向美人圖上論
不知若箇是專房

次何贊府遊壽山詩韻

我昔手持綠玉杖徧觀壽山寺外峯律之奇峯天風吹
我衣雲氣盪我胸峯形峙爲五煙霞有路遙相通橫秋
雙澗橋影沈寒潭空上有欲落不落之怪石下有半枯
半活之欹松一峯凌紫霄曙色何曠曠金雞喚醒海底
日絕頂尙有蒼涼蹤一峯翠氤氳恍如武陵之景迷西

章閣集拾遺

三

東山泉春雨餘流出桃花紅在右一峯如覆釜氣蒸雲
霧秀所鍾西看瀑泉吼飛雪乃有一峯迥出倒挂虹影
於晴穹一峯後顧復何似屨屨儼若蟠蛟龍輸青獻翠
千萬狀卑視培塿誇豪雄香爐紫煙遠莫致廬山漫詫
金芙蓉伊昔當年紫陽翁二三賢俊題名同嗟予寥落
生苦晚不得親陪杖履遊其中兜率臺高花雨灑金仙
趺坐青蓮宮何當復約哦松公靈巖石室幽絕處笑揮
白玉塵尾盡日相過從

桂月軒歌

何侯之軒峯蕭爽軒前桂樹團團長正當八月天氣清
置酒邀賓恣懽賞是時碧落無纖埃瓊樓玉宇中天開

爛銀盤升滄海上清光閃爍俄飛來何君手把春秋傳
布衣直上清虛殿折取秋風第一枝分明認得嫦娥面
嫦娥賜以玉兔之玄霜下醫民瘼令安康花溪邑險號
難治君獨有眼哦松傍回首番禺幾千里道路茫茫隔
煙水清風蕭蕭露泥泥幾度天香落軒几桂香可相不
可親只有明月能隨人他鄉月是故鄉月舉頭見月偏
傷神我嘗想像君家樹與君起舞歌長句好因明月歸
去來底用淮南小山賦

瑞雪歌與李永康

花溪地偏多酷熱十載已來無此雪遂令禾稼成焦枯
復有蝨蟲食根節李侯坐鼓春風琴雪花獻瑞隨人心

草閣集拾遺

三

玄冥翦水成六出翻江倒海驅羣陰遠山近山銀壁立
大樹小樹瑤雲集平地俄驚一尺餘薄暮紛紛飛轉急
空山徹夜狐狸號狡兔三窟安能逃乾坤肅殺回正氣
早覺眼界明秋毫田夫農父愁顏破典衣沽酒更相賀
來歲還書大有年鼓腹嬉遊免飢餓當年田里無咨嗟
漢二千石何須誇縣庭豈用事鞭朴租賦容易供王家
泰和乃由天子聖玉燭精調順時令百司效職宜愈勤
從今屢見休祥應

孝節堂歌

孺川朱家孝節堂經營乃在雙峯傍堂上種萱紅且芳
堂前種竹琅玕長有婦有婦情且揚升堂何以娛姑嫜

晨昏定省禮數將采蘋南澗供蒸嘗一從覽鏡傷孤鳳
淒其無復施紅妝羅幃獨處四十霜年逾八十雙瞳方
屢瞋人扶筋力强鳩形拄杖莓苔荒諸孤再拜謝阿娘
提孩保養恩難忘當年稱壽綺席張玉杯滿捧丹霞漿
蟠桃花開濃露灑斑衣五采春風香乃知作善天降祥
期隨之算那可量男讀書女蠶桑眼看玉立孫成行伊
昔比屋封虞唐人生節孝俱尋常後來風靡積三綱遂
令有國旌其孀清德里中松柏蒼行人過者拱不翔滌
筆爲裁雲錦章

題呂用實詩稿

戊戌後作

玉樓仙人魂不死帝遣柔龍下箕尾黃金鑱甲翡翠旌

草閣集拾遺

三

前驅蛇神後牛鬼劍光照空天狗立珠璣迸淚鮫人泣
銀河夜漏流銀汁織女秋寒錦機溼女媧鍊成五色雲
青天補作玻璃痕靈妃大笑電光發金雞叫醒扶桑暎
妖星忽墮珊瑚枕觸體作杯勸君飲瑤池桃花千歲紅
染得春風古囊錦呂仙兩鬢黑如鴉慣隨鶴侶餐胡麻
金鴉入鼎煨仙骨崑崙頂上牽河車下聽羣蛙鬧蕭鼓
玉殿瑤樓隔風雨十二門高花滿煙夜半秦王獨騎虎

李草閣文集

雜著

白澤賦

桓山之陽溟山之北粵有神獸名爲白澤麋角而鼈趾
龍身而虎額牙參差而礪銳目閃爍而洞射百獸逢之
駭膽慄魄此形容其彷彿者也若其鬣搖虹光鬚影飄
揚色凝藍澱瑩滑熒煌其吼也雷震其行也風翔赫然
而怒則萬牛不能抗其力三軍不能奪其強及夫雄姿
改觀觀者流汗氣噴虹蜺燄燭星漢匪虞人之可圍焉
嗇夫之能圍伊昔聖皇公孫軒轅從風后與力牧來五
采之雲軒斯獸也遇於虛無之野馴於道德之垣效麒麟

草閣文集

一

麟而獻瑞似角端之能言知鬼神之情狀窮萬物之根
源皇覽曰嘻異哉斯獸鄉非爾之通神緊嘉謨其孰究
乃命厥士繪其形走列缺驅風霆擲猛火鏘流鈴咋海
怪吞山精百邪遁無留停然後降五福於民間共休享
於和平也祝曰猩猩有言罔裨治兮維爾獸名神且異
兮玄機從橫挾其祕兮乃圖爾形揚爾之技兮辟邪降
禧以惠于世兮

識字耕夫傳

戊戌後作

識字耕夫者不知其姓氏亦不詳其何代人也嘗居草
閣讀書作爲文章凡若干言動法古人雅不欲爲今人
語繇是弟子多服從之壹與之接者不謀而同咸曰此

高識之士也然性嗜稼穡所居之東偏有田一區日與鄰翁野叟相追逐挾簡編躬耒耜之勞誦而耕耕而息熙熙乎若葛天氏之民也或勸之仕耕夫掩卷而作輒不應又有重其學者默薦之于官執政者不悅日當今之世奚用識字者爲哉彼耕夫也詎知稼穡之艱難哉豈若吾惚愍無知取勳爵豐衣食以爲妻子計哉或爲耕夫憤者曰彼猶鴟赫腐鼠於鷓鴣者也耕夫聞之乃洗耳而去更以筆耕之業遊江湖與大明古先爲經學友博通叟爲史友載道先生爲文友錦官大雅翁爲詩友桐城希聲子微爲琴友醉鄉居士爲酒友空空上人玄玄子爲方外友相與講論道理宣達情性上下古今

章閣文集

二

汪洋乎莫知所終先是耕夫嘗有東作詩一章曰陟彼高原稼穡如雲載耕載誦四體孔勤維此東作無施不穫知德者希孰同子樂後凡遇賓友宴集酒酣慷慨必擊缶歌之以爲常云

太史公曰世之治也則君子以類而進否則肥遯而已矣彼耕者雖輕世肆志不屑屑于世用然德足以周於身才足以濟於時其過于沮溺之倫遠矣

屏詩神文

李先生嗜作詩積年久矣悵然有不釋於懷者於是每黍一盃載酒一壺歛容屏息端拱而趨三揖詩神而告之曰神之于詩實司其柄我有瑣辭敢瀆神聽粵昔風

雅興善懲惡優柔敦厚匪媮以薄曹劉鮑謝陳宋陰何
神之所惠烜赫良多繼茲作者續紛蝟毛狂瀾砥柱孰
障滔滔有雄者甫神寔助之從橫星緯顛倒蛟螭上規
渾噩下拯澆漓度越千古允爲我師我藉神休舉不違
杜分明叮咛巍立門戶幽玄深鉤英華潛沮脫凡入聖
遺寶來主眾皆諾諾我獨諤諤攘袂切齒怨誅交作僂
僂學子求竊穰秕弊帚千金輒謂無比涼涼士流譎詭
強倔陰攘其語以爲己出或睽其實止徇其名矇瞍五
采瘖聾九成理性之談古雅之文素所研覈窮朝及曠
自業於詩爲其所蔽識小識大舉一遺二是則詩之無
益于人也神其醉飽速離此鄉投筆破硯以趣神行言
旣淵居潛處投隙以覘但聞啾啾啁啁嘒嘒嚶嚶不覩
其像彷彿其聲曰子誣子哉余與子游三十餘年動與
子俱靜與子專子躋宦途子偕子往馳馭騁俊攄靈競
爽援筆一揮光燄萬丈名公碩卿擊節奠賞子罹窮厄
疇爲子憐百藝盡卻我獨居先微馨少播聞者欣然賓
朋接踵弟子駢肩且子之詩因嚴格律臨文設奇變化
不一衰衣危冠黃鐘大呂雅雅魚魚子詩之古綠巖立
熊雕虎驪龍桓桓糾糾子詩之雄翡翠琅玕珠璣錦罽
晶晶熒熒子詩之麗化腐爲神倏忽翕歛海怪山妖囚
入詩窟卽故爲新爛斑璘璘幽花野草觸景生春以奇
爲正以正爲奇穰苴淮陰孰抗其威凡此數者深入詩

域雖子之能實我之力子宜黽勉以定其心益繩于古
靡售于今胡不自珍遽形愠喜周於責人畧于求己小
人螻螻毀譽紛激洗金以鹽攻玉以石世尙矜誇孰分
妍醜薰蕕黜白續紛雜揉使無侯芭太玄醬瓠念子自
寬匿瑕容垢明良五子昭紀于書東山鴟鴞杖杜出車
聖賢製作貴於璠璣謂蔽子學胡示區區今因細務欲
棄大義我辭子行風馳電掣子亦有意於留乎先生於
是茫然撫膺怡然解顏抵掌嬉笑從容幽閒迺偃僕曲
躬易辭改色延之升堂永爲止容

答宋明府四六啟

伏以作之君師聖王所以繼天而立極設爲庠序古人

草間文集

四

欲其美化而移風故虞夏商周之世以來而詩書禮樂
之教罔廢比屋有可封之俗當時無不教之民欽惟盛
朝聿興文治洎辟離而泮水鐘鼓鏘鏘由閭巷而鄉都
絃歌藹藹鄉多善士野無遺賢形諸棫樸之詩賡以臺
萊之句雖求之古奚異于今畦雪鬢飄蕭檣材臃腫從
虎闌而歸老六十有餘瞻龍闕而報功萬分無一分甘
田野志在山林坐茂樹以濯清泉登高丘而望遠海右
車搖落方竊比於昌黎左臂偏枯兼有同於工部已自
棄於溝中之斷其何能爲席上之珍茲承明府相公先
生豈弟如春清廉若水爲民間之尹日應天上之郎星
下車以來彈琴而治雲興學校卽前代之文翁子視人

民乃當今之卓茂猶且温恭下士加之廣博求賢弔
之東帛來臨亶亶之華文下錫欲掄才以教子俾抗顏
而爲師匪金鑄其所親兼玉成其佗姓調非流水敢惜
聽于鍾期才本駑駘誤見知於伯樂叨禮義之加異恥
聲聞之過情昔龐公不肯入州人稱其德澹臺未嘗至
室世以爲賢欲行則多愧于古人不徃則有辜于執事
依違未審進退維艱於是
不謀諸人自斷於己筆耕而
謀食卽隴畝遺於子孫經綸以持身乃公事見于邑宰
上以宣九重日月之德誰曰不然下以和絃歌百里之
聲永爲好也申酬罔罄丙覽爲榮

李草閣文集終

草閣文集

筠谷詩集

唐光祖編

永康胡元祚義士哀詩

人於天地閒百歲聊寓形生當秉節義死用垂芳聲餘
子知愛身丈夫在成名胡君花溪秀家世乃簪纓少小
失其怙操持如老成胸藏白雪淨氣敵蒼山橫年強不
肯仕力學還躬耕忠義素所敦信重千鈞輕我雖不識
公得與賢嗣并爲言丁酉歲世事多撓搶括蒼地險阻
山石高崢嶸青天魑魅嘯白晝豺狼行流惡邑里閒所
至烽煙生永康屬邊徼相去無遠程跳跟恣威虐百里
皆震驚我翁奮高義下令募鄉兵手提龍泉劍寒光射
雲旌浙東憲府官遣使來相迎問君計安出要使巢穴
傾君言計已遂奉命尋前征麾兵與之戰桓桓誰敢爭
遂令前倉地流血屍縱橫餘孽未盡除其勢復喧轟我
兵勢已孤力竭終難平壯志不少衰竟隕占田營吾昆
抱哀痛奉檄歸佳城鯉溪水嘉泉香草豐榮溪水共
嗚咽山禽亦悲鳴義聲馳四方孰不傷中情祭酒措哀
辭翰林銘墓塋我詩何足徵焉敢溷時英感君涕泗言
聊用摠哀誠下以敦俗化上以規公卿要君千載後臣
子懷忠貞

壽胡伯弘母六十

翠鬢佳人捧壽筵歌聲爲緩聽詩篇桃花初實三千歲
甲子新周六十年座上共尊陶母德機邊能教孟軻賢

諸郎總是青雲器擬錫金花下九天

贈韓進之先生

北斗文章絕世無先生秉筆繼前驅幽懷愛菊臨軒種
老眼看山信杖扶聖主豈容華髮隱野翁甘與白雲俱
夜來遙望雙溪上明月梅花有幾株

訪胡伯弘仲源叔敬季祥

冬來臥病厭岑寂忽憶君家鴻雁行出門晴日照巾履
曳杖野路無冰霜相逢一笑且同樂人生百年能幾狂
休瞋翦燭夜酣坐別後與誰拈酒觴

之官三元縣寄懷胡伯弘昆仲

回望魁山落五千東軒松菊想依然尙懷伯仲開春甕

草閣集附詩

二

還與吾翁展壽筵白玉溪梅纔舊臘黃金岸柳又新年
江南地比秦川暖爲寫春懷寄客邊

寄賀家嚴誕日

春色新從柳上歸雲開南極夜增輝遙瞻蕙帳千年鶴
難近椿庭五色衣報主敢辭心力盡問安翻覺信音違
三年述職天恩大定放兒還慶古稀

次胡叔敬見過詩韻

綠樹柴門白屋開青鞵竹杖故人來百年高誼如君少
半日清談別我回沽酒家貧難取醉贈詩吟拙愧無才
遙知伯重東軒下待子同斟壽母杯

埽墓有感寄東谷唐仲暹先生

去年寒食關西過今歲清明浙左歸
汎梗怕逢時改火
掃松哀極淚沾衣
山花恨裏紅成陣
墓草愁邊翠作圍
自怪春光相觸忤
詩懷難與故人稀

至日感懷三絕

天上祥雲傍日飛
紛紛五色似斑衣
老萊無處爲兒戲
陟岵哀吟淚獨揮

山妻繡下舊鴛鴦
今日愁隨萬綫長
一去九泉空想像
梅花不作返魂香

陽氣初回尙閉關
松兒何處覓羊環
去年拜節嫌衣短
今日無由見汝顏

題永康貳令周復初草窗詩十韻

查閣集附詩

三

濂溪夫子是我師
霽月光風想見之
傑出賢孫懷祖訓
官居民宰際明時
雉馴虎服名堪敵
魚躍鳶飛道已推
公退小窗吟處穩
閒觀芳草靜中宜
萌芽不遣牛羊牧
朝夕須憑雨露滋
太極成圖還此意
陽春生物本無私
清光照眼何曾息
佳趣關心只自知
官舍寒煙青冉冉
鄉園晴日翠離離
萱情萬里思萊服
詩夢三更憶謝帷
回首江山家第遠
且存斯道繼前爲

胡君濟源家藏錢舜舉所畫俾予題之按山水形

勝人物草木凡圖中所具者莫不曲盡微妙大

率吳中佳處沈吟細玩若湖山之在目遂成長

律十八韻以寓懷鄉之意云

曾遊百粵徧三吳家住錢唐古帝都東對海門南禹穴
左連江塹右西湖潮生白馬聲偏壯山捲蒼龍勢不孤
渺渺舟航通絕島重重樓閣擁雲衢仙壇梵塔爭高下
野店山橋隔有無舉水黏天銀浩淼羣山拔地翠模糊
白沙細細眠灘鵬綠樹陰陰叫鷓鴣目斷松蘿仍竹桂
人行楊柳又荻蒲雲埋劒氣忠臣廟吞黯梅魂處士墟
丙苑煙花成寂寞薛隄鶯燕自歡娛牙樯錦檻開紅棹
翠管銀箏送玉壺歌女慢調金縷曲舞姬輕拂繡羅襦
繁華此地爲吾里漂泊頻年在旅途人事世情雖反側
水光山色豈榮枯中宵故枕牽歸夢今日憑軒按此圖
品藻自慚才力淺登臨誰說故鄉迂畫工堪比連城壁

亭閣集附詩

四

詩拙難同照乘珠珍重聽泉樓上士相看此外更何須

輓徐德裕

丈人遺世已登仙令子懷緇不共天豈但男兒能事畢
益令吾黨孝心專魂隨故國秋雲返影伴長江夜月懸
此日交遊歌薤露臨風揮淚獨淒然

輓池仁卿

皓首龐眉九十春鄉中耆舊已無人玉盃獻壽誰同甲
丹旄傷心歲在辰商谷此時難覓綺漢庭何處更迎申
家聲喜有賢孫在聽我哀思淚滿巾

雨晴二首

松日照人春雨收杖藜徐步橋東頭桃花夾岸似霞染

雲氣出山如水流，身高仰羨不下鶴。眼明忽見雙飛鷗，
紆朱拏紫迴餘事。得及吳儂心迹幽，
東疇西疇流水聲。南山北山日色明，溪童釣魚嬾復坐。
田父教牛初學耕，新綠全經宿露溼。落紅亂點春風輕，
吟邊野興有如此。安用悠悠身外名，

端陽陳公明見招

佳節知君念友生，蹇驢風雨自相迎。黍○金角行盤重，
蒲汎銀絲出甕清。爛醉無愁忘是客，沈吟有興卽關情。
百年如此流光易，頭黑何時共立名。

秋期徐孟璣不至

四月山庭過雨天，日長無事只高眠。夢隨池筆生孤枕，

真閣集附詩

五

風送南薰動五絃，流景豈容頭似漆。閒愁須付酒如泉，
連朝頗怪徐高士，相約來尋竟杳然。

秋夜雜興四首

山月明秋鏡，林松響夜絃。繞牆偏瑟瑟，當戶只娟娟。
鸞身難見蟾蜍影，自懸不知吟坐久。清興益蕭然，
槎客何時到天河。徹夜明風連箕畢，動雲傍斗牛。生山
鬼行猶泣江鴻過，有聲愁邊聽不寐。祇益異鄉情，

搖落深秋景。飄零遠客居，芙蓉依水媚。楊柳對門疏，爲
士須行學。非農豈荷鋤，無入上封禪。卻憶馬相如，

聖代無爲治。蠻方譯獻通，布衣空白屋。朱紱滿金宮，城
郭旌旗靜。乾坤壁壘空，時清恥無用。獨立歎秋風，

雨中

入春風雨閉書齋
青草穿泥欲上階
柳放長條遮醉眼
梅留殘蕊伴吟懷
舞干苗格聞虞舜
鍊石天成憶女媧
未有涓埃能報主
登臨容我著青鞵

題葉叔亨南溪耕隱

隱居求志隨所樂
不在漁樵卽耕鑿
耕鑿誰論生意餘
漁樵不計生意薄
古人隱居還隱身
紛華盛麗如浮塵
尊居萬乘不可屈
子陵當年耕富春
今人名隱身不隱
與世驅馳日矛盾
遂令餘子皆沾名
莘野疇能繼伊尹
華溪忽見耕隱翁
豁我磊落之吟膾
韜光屏迹能謝俗
但與漁父心相同
日長耕罷田頭坐
正值杏花吹雨過

車園集附詩

六

遠村綠樹斑鳩鳴
近岸青萍黃犢臥
火耕水耨工不虧
采青燒土呼羣兒
兒來不惰翁乃喜
坐見禾黍秋離離
耕隱翁知稼穡由
來種田兼種德
種田必期倉廩豐
種德須當子孫獲
偉哉公之上世業
水心文章道德光
於今耳孫奕葉繼
前美屣脫富貴歸
山林我今趣裝趨
上國回首田園有
愧色安得同耕隴
敞閒駒馬高車復何

益

徐節婦詩

座客且勿誼聽我真
節詩永康有徐氏
鄉黨誰似之上
世申山人作令留於茲
子孫能振耀家世承
前規偉哉仲芳氏
玉樹珊瑚枝自幼失其怙
卓立超羣兒母氏淑

且賢春年絕朱絲雖無柏舟作志與恭姜追鸞鏡不復
對羅襦不復施芳容苦難悴每恨白日遲挑燈坐寒夜
顧影空嗟咨有時夢寐閒長吁涕漣洏諸孤不識父笑
母心如癡諸孤既成人負笈令從師戒兒繼汝父無使
他人嗤孀居五十年哀慕同一時子欲報母德構堂花
溪涓溪水流有盡母德茫無涯堂陰樹護草花開春露
滋堂前種修竹琅玕碧參差母坐堂中央采采斑衣隨
載拜獻母壽綠酒黃金危母言母力強子憂母力衰子
令諸婦侍母怪人扶持一朝忽寢疾薄景馳奄奄有孫
名伯雍文采何蕩蕩母也亦如姑言之兩淒其三十失
所天終身抱餘悲年將六十歲閭範人所儀泰山或可

直閣集附詩

七

動我志終難移我家貞德堂建此將奚爲後人視前烈
貞德焉可虧我願登斯堂永與姑相期煌煌繡衣使玉
節臨東陲徐家兩節婦表奏聞丹墀竚見旌其門御墨
光淋漓遂令翰墨士紛然美文辭忠孝與節義迺爲人
秉筆嗚呼唐虞遠歷代風陵夷眾羽惜鳳皇羣鱗羨蛟
螭大明啟天運聖治回雍熙喜見比屋封化首由於斯
君看三百篇開卷陳關雎賢哉徐節婦冷聞千年垂清
風播寰宇豈獨鄉邦知

冬至前日侍父讌胡伯奇濟生堂

今年客裏逢長至客子題詩興亦長天上五雲開瑞色
人閒六琯候新陽梅花欲發春前樹竹葉頻傾醉後觴

記取斯文盍簪處環溪溪上濟生堂

題朱氏時敬庵

獨松佳地不虛傳朱氏廬廡近水邊一澗東流瑩玉練
四山高起插金蓮陰遮結構修篁繞影落罌罍古樹圓
諸子升堂趨蟻折雙親卜宅喜牛眠秋霜氣冷侵衣履
春露華濃抱豆籩鬱鬱降神方儼若焄蒿感目倍凄然
慈顏不隔黃泉下愉色常存白髮前著敬不忘時十二
會同還習禮三千能將此道承先澤擬播餘風及後賢
況是君家敦古義儒林何惜賦詩篇

秋興

牢落東南老樹村蕭蕭木葉擁柴門秋聲萬里西風急

草閣集附詩

八

雲氣三更北斗昏鮑叔交情貧裏見張巡節義死中論
欲攀蟾桂非無路猶信仙桃別有源

憶昔自京至關中將四千里所歷古跡不能殫記

因閒居無事追賦律詩凡十首目之曰憶昔以

洩曩日之思云

四月南風驛路長汴梁河底樹蒼蒼牙檣錦纜傷前代
金谷銅駝感異鄉澗水東流周邑古塞山西起宋陵荒
梅花堂上題詩句記取行人過洛陽
萬歲山前說往年白頭父老至今憐玉清宮逐浮雲散
花石網餘宿草邊二主遊魂歸北遠中興匹馬遂南遷
當時力戰休和議誰著青衣向虜前

北邙山下冢纍纍馬鬣封積石獸摧將相公侯隨雉兔
衣冠文物委蒿萊石崇第宅寒沙起李密城墉夕照回
自是羈懷兼古恨遞車何事苦相催
殊方目擊思紛紛自古人才志不羣滎陽古道皆春草
函谷重關只暮雲黑貂誰憫蘇秦弊黃屋眞憐紀信焚
一死便能成漢業合從應笑武安君

驛路迢迢過河池幾回駐馬憶當時荒臺落日遊麋鹿
遠邑多年厭鼓鼙趙主雄鳴惟此會秦皇虎視亦何爲
尊前瑟岳聲俱絕獨有相如令聞垂

百二山河屬虎秦關開函谷近秋旻蘇君已出張儀入
漢主先歸項羽曠柱史東來多紫氣孟嘗西返賴雞人

草閣集附詩

九

國家在德何須險腸斷驪山草木春

西上潼關高百尋秦中形勝此喉襟黃河風浪兼天遠

華岳煙雲接地深胡羯旂旗曾暗日唐家社稷最傷心

可憐禦敵哥舒翰百萬王師竟陸沈

白帝西望華岳尊峻嶒高聳接天門丹光夜照仙翁竈

泉影朝涵玉女盆十丈蓮花霞作朵萬年松樹石爲根

何當謝卻人閒事得與希夷細討論

路入新豐問酒盃馬周曾此重徘徊羈臣不有中郎薦

聖主焉知御史才翠杓青尊捐野館繡衣驄馬上霜臺

須知鸞鳳沖霄漢不異忠良位鼎台

離離禾黍接積垣鷺見咸陽古道存秦殿獨憐三月火

漢陵誰弔九原魂隴山北起秋雲合涇水西來夜雨渾
如此興懷非一事不如投筆且開樽

筠閣詩集終

草閣集附錄



此世其憂我一事不做對景且開樽

漢陵誰弔九原魂隴山北起秋雲合涇水西來夜雨渾

草閣先生集後跋

草閣先生詩之膾炙人口者固非止此今所編特取所
哀輯者耳然多作於元季故微有憂世之志其歲月先
後之不可知者則缺之餘則另作拾遺一卷以俟夫四
方見者續刊焉其中次序則不復識別後附筠谷詩一
卷卽其子公載所著者焉其後採輯古今詩并文六七
十餘篇人爭欲見之恨無助成一簣者時歐陽二令公
正刊家乘及祕閣脩撰集畢乃捐若干緡樂而成之無
有難色義之與比由近及遠求之於古殆不多見始之
編是集也以蘇編脩平仲嘗曰草閣詩多合乎三百篇
格律與李杜不相遠不可使泯沒古之留名者止一二

草閣集後跋

篇耳豈在多乎遂倉卒一時成之谷風詩曰毋逝我梁
毋發我笱我躬不閱遑恤我後工部縛雞行則曰蟲雞
於人何厚薄吾叱奴人解其縛蟲雞得失無了時注曰
寒江倚山閣草閣先生菜圃爲鄰畜所殘詩曰惜無專
戮權悵望空踟躕學圃聖所鄙且讀窗下書觀此則知
其用心苦矣原其詩法得於李五峯草閣先生外舅鄭
公天趣嘗摹五峯之詩法故攜至溫使學焉予一日觀
元音所編有贈李五峯杜清碧三詩皆譌爲丁復作丁
復詩固嘉其贈僧有還家祇得阿母喜割愛且作諸方
遊白頭老翁念鄉里清淚對人如水流等詩卻又不編
入夫贈五峯之詩乃草閣先生十七歲時作也五峯卽

大稱許以爲足配古之立言者其贈杜清碧曰先生九
曲溪邊住錦里風光太偏真下缺

卓閣集後跋

二

